



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷԿՈՆՈՄԻԿԱՅԻ  
ՆԱԽԱՐԱՐՈՒԹՅԱՆ ԳԼԽԱՎՈՐ ՔԱՐՏՈՒՂԱՐ**

0010, ք.Երևան-10, Մ.Մկրտչյան 5.  
Հեռ. 011-59-72-07, Ֆաքս 52-65-77  
Էլ. փոստ: secretariat@mineconomy.am  
Վեբ կայք: www.mineconomy.am

№ 09/7244-2023

« 28 » 04 2023թ

«ԹՐԱՆՍՓԱՐԵՆՍԻ ԻՆԹԵՐՆԵՇՆԼ»  
ՀԱՎԱԿՈՌՈՒՊՏԻՈՆ ԿԵՆՏՐՈՆԻ  
ԳՈՐԾԱԴԻՐ ՏՆՕՐԵՆ  
ՏԻԿԻՆ ՍՈՆԱ ԱՅՎԱԶՅԱՆԻՆ

Էլ.փոստ՝ [info@transparency.am](mailto:info@transparency.am)

Հարգելի տիկին Այվազյան,

Ի պատասխան Ձեր սույն թվականի մարտի 13-ի N ԹԻ 23/30 գրության՝ ուղղված ՀՀ վարչապետին՝ հայտնում ենք հետևյալը (ըստ հարցման հերթականության).

**1. 2023 թ. փետրվարի 22-ին ՀՀ էկոնոմիկայի նախարարության, Եվրասիական զարգացման բանկի և «Լիդիան Արմենիա» ՓԲԸ միջև կնքված եռակողմ փոխըմբռնման հուշագրի պայմանները (օրենքով պահպանվող գաղտնիք համարվող տվյալների առկայության դեպքում՝ համապատասխան մասը կարող է ծածկվել):**

Կից ներկայացնում ենք Փոխըմբռնման հուշագրի պատճենը:

**2. «Լիդիան Արմենիա» ՓԲԸ-ի բաժնեպատկերների մի մասը ՀՀ կառավարությանը օտարելու վերաբերյալ պայմանագրի պայմանները:**

Պայմանագիրը դեռևս առկա չէ:

**3. Ինչպիսի դերակատարում է ունեցել ՀՀ կառավարությունը Եվրասիական զարգացման բանկից կամ տեղական բանկերից «Լիդիան Արմենիա» ՓԲԸ-ի վարկի ներգրավման գործընթացում, արդյո՞ք տրամադրել է երաշխիք կամ այլ ապահովման միջոց, և եթե այո՝ ինչպիսի:**

Եվրասիական զարգացման բանկից կամ տեղական բանկերից «Լիդիան Արմենիա» ՓԲԸ-ի վարկի ներգրավման գործընթացում ՀՀ կառավարության կողմից երաշխիքի ապահովման միջոց չի տրամադրվել:



**4. Որքան է վճարել կամ ինչ պարտավորություններ է ստանձնել Հայաստանը վերջին տարվա ընթացքում՝ ավելացնելու իր մասնաբաժինը Եվրասիական զարգացման բանկում մինչև 4.2%:**

Հայաստանի Հանրապետությունը Եվրասիական զարգացման բանկի լիիրավ անդամ է դարձել 2009 թվականի ապրիլին: Հայաստանի ներդրումը բանկի կապիտալում կազմում է 100 հազար ԱՄՆ դոլար: ՀՀ մասնաբաժինը կազմում է 0,007%: Կանոնադրական կապիտալի յուրաքանչյուր բաժնետոմսի արժեքը կազմում է 1000 ԱՄՆ դոլար, և յուրաքանչյուր վճարված բաժնետոմսը համապատասխանում է մեկ ծայնի:

ԵԱԶԲ-ի կապիտալում ՌԴ մասնաբաժնի վերաբաշխման հետ կապված ներկայիս իրավահարաբերությունները կարգավորվում են «Հայաստանի Հանրապետության կառավարության և Ռուսաստանի Դաշնության կառավարության միջև Եվրասիական զարգացման բանկի վճարված կանոնադրական կապիտալում Ռուսաստանի Դաշնության մասնաբաժնի մասի առուվաճառքի մասին» համաձայնագրի (այսուհետ՝ Համաձայնագիր) դրույթներով: Համաձայնագրի 3-րդ հոդվածի 1-ին կետի համաձայն՝ ՀՀ կառավարությունը 2024-2027թթ. ընթացքում պարտավորվում է վճարել Ռուսաստանի Դաշնությունից գնված բաժնետոմսերի դիմաց՝ յուրաքանչյուր տարի վճարելով 16 մլն ԱՄՆ դոլարին համարժեք ուրվի:

ՀՀ կողմից 64 մլն ԱՄՆ դոլար արժողությամբ 64 000 բաժնետոմս գնելուց հետո ՀՀ մասնաբաժինը կկազմի 4,22 %:

**5. Որքան է հաշվարկված կորուստները Հայաստանի Հանրապետության համար որպես «Լիդիան Արմենիա» ՓԲԸ բաժնեպեր և, առհասարակ, եթե Եվրասիական զարգացման բանկը հայտնվի արևմտյան պարտամիջոցների տակ և չկարողանա տրամադրել 100 մլն դոլար վարկը:**

Եվրասիական զարգացման բանկի կողմից վարկի չտրամադրման պարագայում կարող են առաջանալ վտանգներ «Լիդիան Արմենիա» ՓԲԸ ծրագիրը ժամկետին իրականացնելու հարցում՝ ինչի հետևանքով Ընկերության գործունեությունից ակնկալվող հարկերի և շահաբաժնի մուտքեր պետական բյուջե չեն լինի:

**6. Ո՞ր մարմինն է իրականացնելու «Լիդիան Արմենիա» ՓԲԸ-ում ՀՀ կառավարությանը պարկանոց բաժնեպոմսերի կառավարումը:**

Դեռևս սահմանված չէ:



7. Ո՞ր կազմակերպությունն է իրականացրել «Լիդիան Արմենիա» ՓԲԸ գործունեության պատշաճության (due diligence) ստուգում, որի հիման վրա ՀՀ կառավարությունը որոշել է աջակցել տվյալ նախագծին: Խնդրում ենք տրամադրել համապատասխան ուսումնասիրության արդյունքները՝ հաշվի առնելով այն, որ դրանք վերաբերում են հանրային սեփականություն հանդիսացող ռեսուրսի օգտագործմանը:

8. Ինչպե՞ս է ՀՀ կառավարությունը հաշվի առել 2019 թվականին իր իսկ կողմից ԷԼԱՐԴ ընկերությանը պատվիրված ուսումնասիրության արդյունքները, մասնավորապես՝ Ամուլսարի շահագործման հնարավոր ռիսկերի վերաբերյալ:

Կառավարությունն աջակցում է Ծրագրին հաշվի առնելով ՀՀ օրենսդրական պահանջներին համապատասխան՝ դրական եզրակացություն ստացած ՇՄԱԳ հաշվետվությունը և ընկերության ֆինանսական հաշվետվությունները, որոնք հասանելի են առցանց:

9. Հայկական ո՞ր բանկն է տրամադրում ֆինանսավորում Ամուլսարի հանքավայրի շահագործման համար, ինչ պայմաններով և որքան է կազմում ֆինանսավորումը:

Հարցը դեռևս գտնվում է քննարկման փուլում:

Հարգանքով՝

 Recoverable Signature

X 

ԿԱՐԵՆ ՍԱՐԳՍՅԱՆ

Signed by: SARGSYAN KAREN 6911740142

ԿԱՐԵՆ ՍԱՐԳՍՅԱՆ







116-23-3

PDF - 2 MB



## ՓՈՆԵՐՄԱՆ ԿՈՆՍԸՍԻՏ

N 116-23

02.03.23թ.

- (1) Հայաստանի Հանրապետության կառավարությունը (այսուհետ՝ «Կառավարություն»),
- (2) Եվրասիական զարգացման բանկը (այսուհետ՝ «ԵԱԶԲ») և
- (3) «Լիդիան Արմենիա» ՓԲ ընկերությունը (այսուհետ՝ «Լիդիան ընկերություն»), որը գործում է իր և իր բաժնետերերի անունից,

միասին՝ «Կողմեր», կնքեցին սույն Փոխըմբռնման հուշագիրը հետևյալի մասին:

**ՀԱՇՎԻ ԱՌՆԵԼՈՎ ԱՅՆ, ՈՐ**

- Կողմերը ցանկանում են դիտարկել Ամուսարի ոսկերեր քվարցիտային հանքավայրի նախապատրաստական, շինարարական և հետագա շահագործման աշխատանքների (այսուհետ՝ «Ծրագիր») վերսկսման/շարունակման հնարավորությունը,
- Ծրագրի իրագործումը կնպաստի Հայաստանի Հանրապետության բնակչության սոցիալ-տնտեսական վիճակի բարելավմանը, և
- սույն Փոխըմբռնման հուշագրի (այսուհետ՝ «Հուշագիր») կնքումը կխթանի Կողմերի միջև, սույն Ծրագրի շրջանակներում, փոխադարձ վստահության վրա հիմնված համագործակցությունը,

Կողմերը սույնով համաձայնեցին հետևյալի մասին:

**ՀՈԴՎԱԾ 1.****Հուշագրի առարկան**

1.1. Սույնով Կողմերը հաստատում են Ծրագրի իրականացմանը մասնակցելու հնարավորությունները դիտարկելու մտադրությունը և հայտնում են պատրաստակամություն ձեռնարկելու հստակ քայլեր և միջոցներ այդ ուղղությամբ, ինչպես նաև գործադրելու բոլոր ջանքերը փոխադարձ պարտավորությունների կատարումն ու ՀՀ գործող օրենսդրությամբ սահմանված կարգով Ծրագրի անխափան իրականացումն ապահովելու համար:

1.2. Սույնով Կողմերը տեղեկացվում են այն մասին, որ Ծրագրի արդյունավետ իրագործման համար Լիդիան ընկերությունը պետք է ապահովի առնվազն 250 000 000 (երկու հարյուր հիսուն միլիոն) ԱՄՆ դոլարի չափով ներդրումներ:



## ՀՈԴՎԱԾ 2.

### Համագործակցության պայմաններ

2.1. Սույնով Կողմերն արտահայտում են իրենց համաձայնությունը փոխադարձ պարտավորությունների և Ծրագրի շրջանակներում հետևյալ պայմաններով համագործակցության վերաբերյալ.

2.1.1. Լիդիան ընկերությունը պարտավորվում է՝

ա) ապահովել Ծրագրի վերսկսման պահի դրությամբ ամեն տեսակի /դրամային և ոչ դրամային/ չվճարված պարտքերի կամ չկատարված պարտավորությունների բացակայություն երրորդ անձանց նկատմամբ. բացառությամբ Լիդիան ընկերության ուղղակի և անուղղակի բաժնետերերի, այն է՝ Orion Resource Partners և Osisko Gold Royalties, ինչպես նաև ING Bank N.V./AB Svensk Exportkredit (publ) և «Ամերիաբանկ» ՓԲԸ-ի, եթե այլ բան համաձայնեցված չէ Կողմերի միջև.

բ) ի դեմս իր բաժնետերերի՝ հաշվի առնելով բաժնետերերի ժողովի 2023թ. փետրվարի 16-ի որոշումը՝ Կառավարությանը անհատույց տրամադրել Լիդիան ընկերության կանոնադրական կապիտալի 12,5% բաժնետոմսեր՝ առանց Ընկերության կանոնադրական կապիտալում դրամական ներդրումներ կատարելու՝ Կառավարության մասով որևէ պարտավորության.

գ) Ծրագրի իրականացման ողջ ընթացքում ապահովել տեղական համայնքների աջակցությունն ու զարգացումը, ինչպես նաև նպաստել տեղական շուկայի զարգացմանն ու զբաղվածությանը: Մասնավորապես, Լիդիան ընկերության որդեգրած համայնքների կայուն զարգացման քաղաքականության շրջանակներում բարձրացնել տեղական համայնքների բնակչության կենսամակարդակը և խթանել ազդակիր համայնքներում տնտեսական զարգացումն ու դիվերսիֆիկացումը: Ծրագրի շինարարության ընթացքում Լիդիան ընկերությունը պարտավորվում է. «Ընկերությունների կողմից վճարվող բնապահպանական հարկի նպատակային օգտագործման մասին» ՀՀ օրենքի շրջանակներում վճարվող բնապահպանական հարկից ազդակիր համայնքներին բնապահպանական ծրագրերի իրականացման համար մասհանումներից բացի ազդակիր համայնքներին տրամադրել նաև 7 000 000 (յոթ միլիոն) ԱՄՆ դոլարին համարժեք ՀՀ դրամի չափով տարեկան ֆինանսական աջակցություն յուրաքանչյուր 12-ամսյա ժամանակահատվածի համար.





դ) Ծրագրի շրջանակներում շինարարությունն ու շահագործումն իրականացնելը նապահականական, սոցիալական և կառավարման, ինչպես նաև առողջապահության և աշխատանքի անվտանգության ոլորտներում առկա լավագույն միջազգային չափանիշներով՝ խստիվ պահպանելով ՀՀ գործող օրենսդրության պահանջները,

ե) Ապահովել սեփական բնապահպանական մշտադիտարկման տվյալների միաժամանակյա (սինխրոնացված) տրամադրում՝ դրանով իսկ Կառավարությանն ու այլ շահագրգիռ անձանց ընձեռնելով հնարավորություն Լիդիան ընկերության հետ համատեղ մասնակցելու թափանցիկ բնապահպանական մշտադիտարկման ծրագրին, որը նախատեսվում է մեկնարկել 2023 թ-ին ակնկալվող Ծրագրի շինարարական փուլը վերսկսելուց/շարունակելուց անմիջապես հետո,

զ) Համագործակցել ԵԱՀԲ-ի խորհրդատուների հետ՝ Ծրագրի համալիր ուսումնասիրության/փորձաքննության գործընթացը հնարավորինս սեղմ ժամկետներում ավարտելու նպատակով,

է) Ի հավելումն ստորև նշված ԵԱՀԲ-ի և տեղական բանկի կողմից տրամադրվելիք ֆինանսավորման, ներկայիս և հավանական վարկատուների հետ համաձայնեցված պայմաններով ներգրավել առնվազն 100 000 000 (հարյուր միլիոն) ԱՄՆ դոլարի ֆինանսավորում, որը սակայն չի կարող գերազանցել Ծրագրի ֆինանսավորման համար անհրաժեշտ ամբողջական գումարի և ԵԱՀԲ-ի ու տեղական բանկի կողմից տրամադրված ֆինանսավորման միջև տարբերությունը,

#### 2.1.2. ԵԱՀԲ պարտավորվում է՝

ա) Կազմակերպել Ծրագրի ուսումնասիրության/փորձաքննության գործընթացը մասնագիտացված խորհրդատուների ներգրավմամբ և հնարավորինս սեղմ ժամկետներում ներկայացնել գործարքի կառուցվածքի վերաբերյալ առաջարկ Լիդիան ընկերության համար մանրամասն պայմաններով, մինչև 100 000 000 (հարյուր միլիոն) ԱՄՆ դոլարի չափով և մինչև 60 (վաթսույն) ամիս ժամկետով՝ Ծրագրի շրջանակներում սարքավորումների ձեռքբերման, շինարարության և մոնտաժման աշխատանքների ֆինանսավորման նպատակով,

բ) Ծրագրի ուսումնասիրության/փորձաքննության արդյունքներն ամփոփելուց և բոլոր Կողմերի կողմից գործարքի պայմաններն ու կառուցվածքը համաձայնեցնելուց հետո, հնարավորինս սեղմ ժամկետներում, ներկայացնել



բ) Ծրագրի ուսումնասիրության/փորձաքննության արդյունքներն ամփոփելուց և բոլոր Կողմերի կողմից գործարքի պայմաններն ու կառուցվածքը համաձայնեցնելուց հետո, հնարավորինս սեղմ ժամկետներում, ներկայացնել դրանք ԵԱԶԲ-ի իրավասու մարմինների քննարկմանը և տեղեկացնել Ծրագրի ֆինանսավորման վերաբերյալ վերջնական որոշման մասին,

2.1.3. Տեղական բանկը պարտավորվում է՝

ա) Դիտարկել ուսումնասիրության/փորձաքննության արդյունքներն ու Ծրագրի ֆինանսավորման գործարքի կառուցվածքի վերաբերյալ ԵԱԶԲ-ի առաջարկը, ինչպես նաև հնարավորինս սեղմ ժամկետներում կայացնել Լիդիան ընկերությանը, ԵԱԶԲ-ի հետ սինդիկատի պայմանով, մինչև 50 000 000 (հիսուն միլիոն) ԱՄՆ դոլարի չափով ֆինանսավորում տրամադրելու վերաբերյալ որոշում:

2.1.4. Կառավարությունը պարտավորվում է՝

ա) իր լիազորությունների սահմաններում և գործող օրենքների շրջանակներում ձեռնարկել բոլոր միջոցները Լիդիան ընկերության կողմից Ծրագրի անխափան իրականացումն ապահովելու համար, ինչը ենթադրում է այդ թվում՝ ազատ և անխափան մուտքի հնարավորություն դեպի Ծրագրի բոլոր տեղամասեր և շինարարականներ, ինչպես նաև աջակցություն Ծրագրի համար անհրաժեշտ ամեն տեսակի թույլտվությունների/լիցենզիաների տրամադրման/երկարաձգման/վերսկսման հարցում՝ ՀՀ օրենսդրությամբ գործող կարգով, ժամկետներում և նորմատիվային հիմքերով,

բ) ԵԱԶԲ-ին և տեղական բանկին տրամադրել Կողմերի միջև համաձայնեցված երաշխիքներ՝ ընկերության տնտեսական գործունեությանը չառնչվող ամեն տեսակի ֆորս-մաժորային ռիսկերից պաշտպանելու համար:

**ՀՈԴՎԱԾ 3**

**Այլ պայմաններ**

3.1. Սույն Հուշագիրը կազմված է հայերեն, անգլերեն և ռուսերեն լեզուներով: Հուշագրի տեքստերի միջև անհամապատասխանության դեպքում նախընտրությունը տրվում է հայերեն տեքստին: Հուշագիրը ստորագրված է 3 (երեք) օրինակից՝ մեկական օրինակ յուրաքանչյուր Կողմի համար:

3.2. Կողմերը սույնով հաստատում են, որ Հուշագիրը չի հանդիսանում իրավական տեսանկյունից պարտադիր ուժ ունեցող պայմանագիր կամ փաստաթուղթ, որը

ստեղծում է իրավական պարտավորություններ կամ նախատեսում է իրավաբաղադրացիական հետևանքներ որևէ օրենքի ուժով: Սույն Հուշագիրը, ինչպես



ստեղծում է իրավական պարտավորություններ կամ նախատեսում է իրավաբաղաբացիական հետևանքներ որևէ օրենքի ուժով: Սույն Հուշագիրը, ինչպես նաև դրա ստորագրումն ու Հուշագրի շրջանակներում ձեռնարկված որևէ գործողություն չի նշանակում և չի ենթադրում փաստական հանգամանքների ընդունում կամ մերժում, կամ էլ Կողմերից որևէ մեկի կողմից որևէ պարտավորության ստանձնում ՀՀ օրենսդրության համաձայն, Կողմերի նկատմամբ կիրառելի այլ իրավունքի և գործող միջազգային իրավունքի իմաստով:

3.3. Սույն Հուշագրի որևէ դրույթ չպետք է դիտարկվի կամ մեկնաբանվի որպես հրաժարում Բանկի անձեռնմխելիությունից և արտոնություններից, որոնք նախատեսված են Բանկի հիմնադրումը և գործունեությունը կարգավորող միջազգային պայմանագրերով, այլ կիրառելի միջազգային պայմանագրերով և իրավունքով:

3.4. Կողմերը սույնով հաստատում են, որ Հուշագրի նկատմամբ կիրառելի է Հայաստանի Հանրապետության օրենսդրությունը: Հուշագրի հետ կապված վեճերը կողմերի միջև լուծվում են ՀՀ օրենսդրությամբ՝ դատական կարգով:

3.5. Հուշագիրն ուժի մեջ է մտնում քոյոր Կողմերի ներկայացուցիչների կողմից ստորագրման պահից:

**ԼԻԴԻԱՆ ԱՐՄԵՆԻԱ  
ԸՆԿԵՐՈՒԹՅՈՒՆ**

Զեֆֆրի Քոուլ  
(ԱԱ)

**ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅՈՒՆ**

Վահան Քերոբյան  
(ԱԱ)

**ԵՎՐԱՍԻԱԿԱՆ  
ԶԱՐԳԱՑՄԱՆ ԲԱՆԿ**


Դենիս Իլյին  
(ԱԱ)





116-23-3

PDF - 2 MB



Տնօրենների խորհրդի  
անդամ

(պաշտոն)

  
22.02.2023

(Ստորագրություն, ամսաթիվ)

Հայաստանի  
Հանրապետության  
Էկոնոմիկայի նախարար

(պաշտոն)

  
22.02.2023

(Ստորագրություն, ամսաթիվ)

Վարչության  
նախագահի տեղակալ

(պաշտոն)

  
22.02.2023

(Ստորագրություն, ամսաթիվ)

